



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.kleplic@opcina-tesanj.ba	Godina XLIX - Broj 4 Utorak, 10.05.2016. godine TEŠANJ	ŠTAMPA: Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
--	--	---

Na osnovu člana 23. Zakona o prostornom planiranju i korištenju zemljišta na nivou Federacije BiH ("Službene novine FBiH", broj 2/06, 72/07, 32/08 i 4/10), člana 13 stav 1. alineja 3 Zakona o principima lokalne samouprave u Federaciji BiH ("Službene novine FBiH", broj 49/06), odredbi Uredbe o jedinstvenoj metodologiji za izradu dokumenata prostornog uređenja ("Sl. novine FBiH", broj 63/04), članova: 41, 42, 43, 44, 45, 46, 47, 48, 49, 50 i 51. Zakona o prostornom uređenju i građenju ZE-DO Kantona ("Službene novine ZE-DO Kantona", broj: 1/14) te člana 14 statuta općine Tešanj ("Službeni glasnik općine Tešanj", broj 11/07) Općinsko vijeće Tešanj na 40. redovnoj sjednici održanoj dana 06.05.2016. godine, donijelo je:

ODLUKA O PROVOĐENJU IZMJENA I DOPUNA REGULACIONOG PLANA "POSLOVNA ZONA GLINIŠTE" OPĆINA TEŠANJ

Uvodne odredbe

Član 1.

Ovom Odlukom utvrđuje se provođenje Izmjene i dopune Regulacionog plana "Poslovna zona Glinište" općina Tešanj (u daljem tekstu Plan), te uvjeti korištenja, izgradnje, uređenja i zaštite prostora i objekata unutar obuhvata, a naročito: granica obuhvata Plana i granica površina raznih namjena, urbanističko-tehnički uvjeti, uvjeti uređenja građevinskog zemljišta, uvjeti za uređenje fasada, uvjeti uređenja zelenih i slobodnih površina, mjere zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja, mjere zaštite prava lica sa smanjenim tjelesnim sposobnostima, te odnosi prema postojećim građevinama.

Područje za koje se vrši izmjena i dopuna Plana obuhvata lokalitet kojim su obuhvaćene parcele označene kao k.č.broj: 309/1, 313/1, 313/2 i 314/1 k.o. Rosulje kako je prikazano u grafičkom dijelu plana.

Plan se sastoji od grafičkog i tekstualnog dijela.

Obaveznost Plana

Član 2.

Intervencije u prostoru na obuhvatnom području moraju biti u skladu sa Planom.

Od momenta stupanja na snagu Plana, zabranjuju se sve radnje koje su u suprotnosti sa Planom.

Provođenje Plana

Član 3.

Provođenje Plana vrši se putem urbanističke saglasnosti koju izdaje organ nadležan za poslove urbanizma.

Urbanistička saglasnost izdaje se na osnovu Plana za svaki objekat i sadržaj za koji se planira izgradnja, osim za privremeno korištenje javnih površina koje je regulisano posebnom Odlukom.

Urbanistička saglasnost može se izdati i za privremene objekte i to za sadržaje i objekte propisane Zakonom i ovim Planom.

Organ nadležan za poslove urbanizma dužan je da odbije sve zahtjeve za izdavanje urbanističke saglasnosti koji nisu u skladu sa ovim Planom.

Izradnja objekata, vršenje građevinskih i drugih radova odobrava se ako je prethodno utvrđeno da su ispunjeni uslovi predviđeni Zakonom i ovim Planom. Da su ispunjeni svi uslovi potvrđuje se izdavanjem odobrenja za građenje.

Odobrenje za građenje izdaje organ nadležan za poslove urbanizma na način i postupak utvrđen Zakonom o prostornom uređenju i građenju.

U toku provođenja Plana ne mogu se vršiti bitne izmjene Plana, kao što su namjena površina, smanjenje kapaciteta infrastrukturne mreže, odnosno ne može se mijenjati osnovna koncepcija Plana.

Obuhvat plana

Član 4.

Granica obuhvata Plana definisana je u grafičkom prilogu.

Zemljište obuhvata nalazi se u K.O. Rosulje. Površina obuhvata iznosi 6.309m².

Urbanističko-tehnički uslovi izgradnje

Član 5.

Urbanistička saglasnost za pojedinačne objekte ili grupu objekata koji čine urbano-arhitektonsku cjelinu uključujući i faznu izgradnju kao i druge zahvate predviđene ovim Planom, sadržavat će urbanističko-tehničke uslove propisane Zakonom i uslove date u Izmjeni i dopuni Regulacionog plana "Poslovna zona Glinište", općina Tešanj.

Urbanističku saglasnost izdaje organ nadležan za poslove urbanizma a na osnovu idejnog arhitektonskog ili građevinskog projekta za sve urbane cjeline koje su u skladu sa zakonskom procedurom i ovim Planom.

Položaj objekta na parceli definisati će se na osnovu idejnog projekta i slijedećih uslova:

- davanje maksimalnih horizontalnih gabarita za namjene objekata definisanim ovim Planom uslovljeno je uspostavljanjem sklada između zahtjeva (želja) investitora i veličine parcele na kojoj se gradi a utvrđeno regulacionim i građevinskim linijama.

- Osim koeficijenta izgrađenosti ($K_i < 1$) i procenata izgrađenosti, moraju se ispoštovati i uslovi kojima se na svakoj parceli na kojoj se gradi proizvodni objekat mora obezbijediti protupožarni pristupni put.

- Za planirane poslovne i poslovno-proizvodne objekte maksimalna spratnost (P+1, P+4) a moguća ukupna visina prizemne etaže do maksimalnih 9,00m. Detaljnim urbanističko-tehničkim uslovima određuje se definitivna spratnost objekta (na obrazložen zahtjev investitora veća za jednu punu, potkrovnju, mansardnu ili povučenu etažu). Na lokacijama na kojima konfiguracija terena dozvoljava za sve objekte se može predvidjeti i podrumaska ili suterenska etaža.

- Krovovi objekata se preporučuju da budu kosi, u nagibu, primjereno klimatskim uvjetima. Objekte treba graditi od čvrstih materijala uz maksimalno poštivanje tehničkih propisa. Objekti moraju biti građeni u skladu sa okolinom i tako da zadovoljavaju estetske i ostale propise. Fasade se mogu malterisati ili obrađivati na tradicionalan način, tipičan za podneblje (oblaganje daskom, šindrom, kamenom itd.). Građenje objekta, kao i završni zanatski radovi na izvedbi fasada na objektima se moraju okončati u roku, a najdalje u roku 3 godine od početka izgradnje. Na objektima se trebaju primjenjivati rješenja koja omogućavaju dobivanje energije na održiv način. Ukoliko se objekti ne mogu priključiti na kanalizacionu mrežu moraju imati vezu sa septičkom jamom koja mora biti izgrađena tako da udovolji najstrožim sanitarnim normama.

- Pri izradi projektne dokumentacije u postupku urbanističke saglasnosti i odobrenja za građenje, nadležna Služba je dužna obezbijediti da se primjeni Uredba o urbanističko-tehničkim uslovima, prostornim standardima i normativima za otklanjanje i spriječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala. Obavezno je dati uslove i mjere svim učesnicima u projektovanju i izgradnji javnih i stambenih objekata za normalno korištenje istih licima sa umanjnim tjelesnim sposobnostima. U definisanju namjene određenih prostora i objekata obavezno se mora uzeti u obzir i ova kategorija stanovništva.

- Urbani mobilijar prilagoditi savremenim potrebama i trendovima;

- U postupku izdavanja urbanističko-tehničkih uslova, a u cilju očuvanja slobodnih površina i obezbjeđenja dovoljne osvjetljenosti objekata, neophodno je definisati odstojanje između najisturenijih dijelova objekata, ne računajući krovnu strehu, na sljedeći način:

- između prizemnih objekata 4,00m
- između spratnih objekata (P+1) 6,00m
- između spratnih objekata (P+2 do P+4) 8,00m
- udaljenost između objekata spratnosti preko P+4 moraju odgovarati ½ planirane visine objekta ili bliže uz pisanu saglasnost vlasnika susjedne parcele.

Ukoliko na bočnim fasadama već izgrađenih objekata ne postoje otvori na stambenim/poslovnim/proizvodnim prostorijama nego samo pomoćnim (ulaz, hodnik, stepenište, ostava, kupatilo) odstojanja iz prethodnog stava mogu biti i manja, ali ne manja od 1,0m od granice susjedne parcele, pod uvjetom da objekat koji se gradi isto tako ne smije imati otvore stambenih/poslovnih/proizvodnih prostorija na toj strani.

Ako na susjednoj parceli nema objekata odstojanja od međne linije parcele mora biti minimalno 3,00m ako će objekat imati otvore na stambenim/poslovnim prostorijama sa te strane, odnosno minimalno 1,00m ako neće biti otvora na stambenim/poslovnim prostorijama.

Ukoliko na susjednim parcelama postoje već izgrađeni objekti a udaljenosti od međa i objekata su manje od udaljenosti iz prethodnih stavova a vertikalni gabariti su veći od gabarita iz prethodnih stavova ovog člana, investitor na svojoj parceli može graditi objekat istih vertikalnih gabarita, iste udaljenosti od međe i istih vrsta otvora, bez saglasnosti susjeda, po principu jednakosti.

Objekat koji se gradi, svakom svojom najisturenijom tačkom ne smije prelaziti međne linije parcele investitora.

Izuzetno od odredbi prethodnih stavova, vlasnici i korisnici susjednih parcela mogu se sporazumjeti drugačije. Sporazum, ukoliko se dostavlja zajedno sa zahtjevom za izdavanje urbanističke saglasnosti, mora da bude sastavljen u pismenom obliku i ovjeren odnosno može se dati i usmeno na zapisnik kod voditelja postupka nakon podnošenja zahtjeva.

- Javne površine (zelene površine, parkirališta, pločnici i sl.) ne mogu se zauzimati (uzurpirati) drugim objektima i sadržajima osim na način i u skladu sa Odlukom o korištenju javnih površina;

- Na svim društvenim/državnim parcelama planirati javne zelene površine koje će se obraditi detaljnim planom uređenja;

Regulacione i građevinske linije

Član 6.

Građevinska linija utvrđuje graničnu liniju objekta u odnosu na javnu površinu, ulicu, vodotok ili druge objekte od kojih mora biti odvojena zbog funkcionalnih, estetskih ili zaštitnih razloga;

Ovim Planom utvrđuju se građevinske linije objekata u odnosu na ulicu i to za linije iskolčenja prizemlja objekata;

Građevinska linija označava maksimalni gabarit objekta. Unutar građevinskih linija investitor je slobodan da definiše tlocrt objekta u ovisnosti od potreba i želja;

Građevinske i regulacione linije date su u separatu Projekta – Plan regulacionih i građevinskih linija.

Izgradnja/postavljanje privremenih objekata

Član 7.

Izgradnja objekata privremenog karaktera može se odobriti isključivo u skladu sa Zakonom o prostornom uređenju i građenju Ze-Do kantona ("Službene Novine Ze-Do kantona" broj: 1/14).

Nivelacioni elementi

Član 8.

U saobraćajne površine spadaju postojeće i planirane kolsko-pješačke i pješačke površine.

Osnovnom postavkom saobraćajnica i rješenjem nivelete istih, kao i praćenjem nivelete terena, ovim Planom su dati orijentacioni nivelacioni elementi uređenja terena oko objekata.

U postupku izdavanja urbanističke saglasnosti i rješavanja svake mikrolokacije detaljno će se definisati nivelacioni elementi, uz uslov poštivanja Planom definisane nivelacije mreže saobraćajnica,

kao i uslov da nivelacija poda prizemlja objekta, odnosno cca kota poda prizemlja iznosi +0,30cm iznad kote okolnog uredenog terena.

Plan saobraćajnica prikazan je u grafičkom prilogu Plana RP.09.

Uslovi za oblikovanje naselja

Član 9.

Pješačke komunikacije se formiraju od otvorenih površina, kao što su odgovarajući trotoari, manipulativni prostori oko objekata, pješačke šetnice. Ove površine se adekvatno obrađuju, tako da se njihova habajuća površina prilagođava uvjetima prostora i korištenja.

Svi arhitektonski objekti moraju se projektovati i izvoditi prema uvjetima datim u okviru ovog Plana.

Za arhitektonsko oblikovanje ovih objekata treba upotrebljavati savremene materijale - beton, staklo, čelik, a arhitektonske forme prilagoditi i uskladiti sa ritmom i elementima već izgrađenih objekata.

Prilikom izgradnje objekata potrebno je predvidjeti dovoljan broj parking mjesta u skladu sa urbanim standardima.

Ograde se mogu podizati na građevinskim parcelama za postojeću i planiranu izgradnju. Maksimalne visine ograda su 1.20 m (2,0m za ograde uz proizvodne objekte), postavljene po regulacionoj liniji, transparentne i uz kombinaciju sa živim materijalom (živa ograda). Unutar saobraćajnog ugla preglednosti ne mogu se postavljati ograde, vršiti sadnja visokog zelenila ili graditi druge fizičke strukture. Vrata i kapije uličnih ograda ne smiju se otvarati prema ulici, odnosno na pločnik van građevinske linije. Postojeće ulične kapije i ograde koje svojom veličinom, oblikom, vrstom materijala i estetskim izgledima narušavaju i štete cjelokupnom izgledu ulica i objekata ili nisu izgrađene na regulacionoj liniji moraju se na zahtjev organa nadležnih za gradnju ukloniti odnosno zamijeniti. Za izgradnju popravljane i bojenje ograda uz ulicu mora se prethodno pribaviti odobrenje od organa nadležnog za gradnju.

Javne zelene površine organizirati kao urbani prostor.

Sva izmještanja i dokapacitiranja komunalne infrastrukture moraju biti usklađena i usaglašena između korisnika/upravitelja instalacija i investitora a shodno uslovima i zahtjevu vlasnika nekretnine, osim ako u sporazumima/ugovorima između korisnika/upravitelja instalacija i vlasnika nekretnina ne stoji drugačije.

Uređenje građevinskog zemljišta

Član 10.

Izgradnja objekata može se vršiti samo na prethodno uredenom građevinskom zemljištu. Izuzetno, izgradnja objekata može se vršiti i na neuređenom građevinskom zemljištu uz obavezu Investitora da izvrši minimalno uređenje i to:

- da građevinski objekat može snabdijevati vodom za piće,
- da građevinska parcela ima uslove za izgradnju kanalizacione mreže po sanitarno-tehničkim propisima,
- da građevinska parcela ima obezbijeden kolski i pješački pristup,
- da postoji mogućnost priključka objekta na električnu mrežu.

Plan parcelacije

Član 11.

Planom parcelacije utvrđuje se: veličina, oblik i položaj parcela.

Građevinske parcele se mogu cijepati i spajati zavisno od namjene planiranih objekata kao i njihove veličine a parcele saobraćajnica su definisane grafičkim dijelom Plana.

Svaka građevinska parcela, prije izdavanja odobrenja za građenje na istoj, treba da ima riješen pristup na javnu površinu. Ukoliko se od jedne katastarske parcele formira više građevinskih parcela (u postupku parcelacije), obavezno je da pristupni put za građevinske parcele (ukoliko građevinska parcela nema direktan pristup na javnu površinu) bude formiran kao zasebna katastarska parcela s tim da se prije izdavanja odobrenja za građenje za bilo koju novoformiranu građevinsku parcelu, pristupni put upiše u zemljišnim

evidencijama kao javna površina ili kao suvlasništvo investitora. Izuzetno, investitor može imati i obezbjeđeno pravo služnosti do javne površine koje je regulisano Ugovorom ili sudskom odlukom.

Zaštita i spašavanje ljudi i materijalnih dobara od prirodnih i drugih nesreća

Član 12.

Uslovi za sklanjanje stanovništva i materijalnih dobara moraju biti obezbjeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Završne odredbe

Član 13.

Izmjene i dopune Plana vrše se na način i po postupku za donošenje Plana.

Član 14.

Stupanjem na snagu Odluke o provođenju Izmjena i dopuna Regulacionog plana „Poslovna zona Glinište“, općina Tešanj, prestaje da važi Odluka o usvajanju i provođenju Regulacionog plana „Poslovna zona Glinište“, općina Tešanj ("Službeni glasnik općine Tešanj" broj: 9/09) za obuhvat definisan u Članu 1. ove Odluke.

OPĆINA TEŠANJ OPĆINSKO VIJEĆE

PREDSJEDAVALJUĆI VIJEĆA Senad N. Subašić, s. r.

Broj: 01-23-6-1900-5/15

Datum: 10.05.2016.godine

Na osnovu člana 41. do člana 51. Zakona o prostornom uređenju i građenju ZE-DO Kantona ("Službene novine ZE-DO Kantona", broj: 1/14) i člana 14. Statuta općine Tešanj ("Službeni glasnik Općine Tešanj", broj: 11/07) Općinsko vijeće Tešanj na svojoj 40.redovnoj sjednici održanoj dana 06.05.2016. godine, donijelo je:

ODLUKU O PRISTUPANJU IZMJENI I DOPUNI REGULACIONOG PLANA "POSLOVNA ZONA GLINIŠTE"

Član 1.

Pristupa se izradi Izmjene i dopune Regulacionog plana "Poslovna zona Glinište" općina Tešanj (u daljem tekstu Plan).

Član 2.

Područje za koje se vrši izmjena Plana obuhvata jesu postojeće granice Regulacionog plana a isti je i prikazan u grafičkom prilogu – Obuhvat izmjene i dopune Regulacionog plana "Poslovna zona Glinište" općine Tešanj koji je sastavni dio ove Odluke.

Član 3.

Izmjena Plana donosi se na period od najmanje pet (5) godina od dana usvajanja.

Član 4.

Rok izrade Nacrta Plana iz člana 1. Odluke je trideset (30) dana od potpisivanja Ugovora sa nosiocem izrade istog a rok za izradu Prijedloga Plana je trideset (30) dana od dostavljanja, nosiocu izrade, primjedbi i zaključaka na Nacrt plana.

Član 5.

Sredstva za izradu Plana iz člana 1. Odluke obezbijedit će se iz budžeta općine Tešanj.

Član 6.

Nosilac pripreme za izradu Plana je Služba za katastar, urbanizam i imovinsko-pravne poslove općine Tešanj.

Član 7.

Izmjena Plana iz člana 1. ove Odluke povjerit će se nosiocu izrade koji je ovlašten za izradu planske dokumentacije i nalazi se u registru privrednih društava i drugih pravnih lica ovlaštenih za obavljanje stručnih poslova izrade planskih dokumenata, a kojeg odabere općina.

Član 8.

Postupak izmjene Plana provest će se na način utvrđen Zakonom o prostornom uređenju i građenju ZE-DO Kantona ("Službene novine ZE-DO Kantona", broj: 1/14) i Uredbom o jedinstvenoj metodologiji za izradu dokumenata prostornog uređenja ("Službene novine FBiH", broj: 63/04).

Član 9.

Do usvajanja Plana iz člana 1. ove Odluke primjenjivat će se odredbe Regulacionog plana "Poslovna zona Glinište" općina Tešanj i Odluke o usvajanju i provođenju Regulacionog plana "Poslovna zona Glinište" općina Tešanj ("Službeni glasnik općine Tešanj", broj: 9/09), odredbe Izmjene i dopune Regulacionog plana "Poslovna zona Glinište" i Odluke o provođenju izmjena i dopuna Regulacionog plana "Poslovna zona Glinište" kao i sve druge Odluke donesene za predmetni obuhvat.

Član 10.

Ovom Odlukom daje se ovlaštenje Općinskom načelniku da može vršiti kupovinu zemljišta u obuhvatu Plana (pripreme za varijantu II nastavka gradnje puta) a sve u cilju bržeg i efikasnijeg rješavanja imovinko-pravnih odnosa sa vlasnicima parcela u obuhvatu istog od dana stupanja na snagu ove Odluke.

Član 11.

Ova Odluka stupa na snagu narednog dana od dana objavljivanja u »Službenom glasniku općine Tešanj«.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

Broj: 01-05-6-290-2/16

Datum: 10.05.2016.godine

Na osnovu člana 40. Zakona o dugu, zaduživanju i garancijama u Federaciji Bosne i Hercegovine ("Službene novine Federacije Bosne i Hercegovine", broj: 86/07, 24/09 i 45/10) 14. Statuta Općine Tešanj ("Službeni glasnik općine Tešanj", broj 11/07) Općinsko vijeće Tešanj, na prijedlog Općinskog načelnika, na svojoj 40. redovnoj sjednici, održanoj dana 06.05. 2016. godine, donosi

**O D L U K U
poništenju Odluke o kreditnom
zaduženju Općine Tešanj za realizaciju
kapitalnih projekata**

Član 1.

Poništava se Odluka o kreditnom zaduženju Općine Tešanj za realizaciju kapitalnih ulaganja broj: 01-02-1-1213/15 od 16.06.2015. godine.

Član 2.

Realizacija projekta uređenja starog gradskog jezgra (Titova ulica i Ulica 1. marta) koji je planiran u Budžetu Općine Tešanj za 2016. godinu pod stavkom "Projekt uređenja Titove ulice i Ulice 1. marta", će se izvršiti iz slobodnih budžetskih sredstava za investiranje akumuliranih realizacijom-uplatom IPA granta i EIB kredita u 2016. godini.

Član 3.

Ova Odluka stupa na snagu danom donošenja, i objavit će se u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

Broj: 01-02-1-1213-3/15

Datum: 10.05.2016.godine

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Izvještaj o izvršenju Budžeta Općine Tešanj za 2015.godinu, donijelo sljedeći

ZAKLJUČAK

Usvaja se Izvještaj o izvršenju Budžeta Općine Tešanj za 2015. godinu.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

**Broj: 01-14-7-981-2/16
Datum: 10.05.2016.godine**

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Izvještaj o izvršenju Budžeta Općine Tešanj za I (prvi) kvartal 2016.godine na prijedlog Kluba vijećnika SDA, donijelo sljedeći

ZAKLJUČAK

Izvršiti adekvatnu popunu administracije u skladu sa planiranim budžetskim sredstvima.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

**Broj: 01-14-1-920-2/16
Datum: 10.05.2016.godine**

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Izvještaj o izvršenju Budžeta Općine Tešanj za I (prvi) kvartal 2016.godine na prijedlog Kluba vijećnika SDA, donijelo sljedeći

ZAKLJUČAK

Proces planiranja budžeta u budućnosti voditi optimistično i realno.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

**Broj: 01-14-1-920-2/16
Datum: 10.05.2016.godine**

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Izvještaj o izvršenju Budžeta Općine Tešanj za I (prvi) kvartal 2016.godine na prijedlog Kluba vijećnika SDA, donijelo sljedeći

ZAKLJUČAK

S obzirom na pozitivan priliv sredstava po stavci prihodi od korištenja građevinskog zemljišta i Fonda za vatrogastvo, a u svrhu olakšavanja izmirenja obaveza obveznika istih, predlažemo ukidanje kamate za obveznike naknade za građevinsko zemljište i naknade Fonda za vatrogastvo za period do 31.12.2016.godine.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

**Broj: 01-14-1-920-4/16
Datum: 10.05.2016.godine**

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Izvještaj o izvršenju Budžeta Općine Tešanj za I (prvi) kvartal 2016.godine, donijelo sljedeći

ZAKLJUČAK

Usvaja se Izvještaj o izvršenju Budžeta Općine Tešanj za I (prvi) kvartal 2016.godine.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

**Broj: 01-14-1-920-5/16
Datum: 10.05.2016.godine**

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Informaciju o organizovanju i funkcioniranju sistema zaštite i spašavanja i zaštite od požara na području općine Tešanj za 2015. godinu, donijelo sljedeći

ZAKLJUČAK

Prima se na zanje Informacija o organizovanju i funkcioniranju sistema zaštite i spašavanja i zaštite od požara na području općine Tešanj za 2015. godinu.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

**Broj: 01-44-6-1049-2/16
Datum: 10.05.2016.godine**

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Informaciju o organizovanju i funkcioniranju sistema zaštite i spašavanja i zaštite od požara na području općine Tešanj za 2015. godinu, na prijedlog vijećnice Salkić Aide, donijelo sljedeći

ZAKLJUČAK

Razmotriti mogućnost da se obuče sekretari mjesnih zajednica i povjerenici civilne zaštite za upotrebu vatrogasnih aparata i nužne opreme za ranu intervenciju.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

**Broj: 01-44-6-1049-3/16
Datum: 10.05.2016.godine**

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Nacrt Odluke o zaštitnim zonama i zaštitnim mjerama za izvorište „Tešanjski kiseljak“ općina Tešanj, donijelo sljedeći

ZAKLJUČAK

Usvaja se Nacrt Odluke o zaštitnim zonama i zaštitnim mjerama za izvorište „Tešanjski kiseljak“ općina Tešanj i upućuje na javnu raspravu.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

**Broj: 01-24-5-1730-2/15
Datum: 10.05.2016.godine**

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Informaciju o radu i poslovanju udruženja građana na području općine Tešanj za 2015.godinu, donijelo sljedeći

ZAKLJUČAK

Prima se na znanje Informacija o radu i poslovanju udruženja građana na području općine Tešanj za 2015.godinu.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

**Broj: 01-14-7-1000-2/16
Datum: 10.05.2016.godine**

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Informaciju o zimskom održavanju lokalnih puteva na području općine Tešanj za sezonu 2015/2016. godina, na prijedlog vijećnika Omerbašić Fahrudina, donijelo sljedeći

ZAKLJUČAK

Da se u buduće uz ovu informaciju o zimskom održavanju dostavi i prijedlog mjera za poboljšanje ukupnog sistema zimskog održavanja.

**OPĆINA TEŠANJ
OPĆINSKO VIJEĆE**

PREDSJEDAVAJUĆI VIJEĆA
Senad N. Subašić, s. r.

Broj: 01-27-5-1006-4/16
Datum: 10.05.2016.godine

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Informaciju o zimskom održavanju lokalnih puteva na području općine Tešanj za sezonu 2015/2016. godina, na prijedlog vijećnika Piro Amira, donijelo sljedeći

ZAKLJUČAK

Da odabrani izvođači u buduće u mjesnim zajednicama budu zaduženi i za čišćenje autobuskih stajališta i okretišta, posebno tamo gdje postoje nastrešnice.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-27-5-1006-3/16
Datum: 10.05.2016.godine

Općinsko vijeće Tešanj je na svojoj 40. sjednici održanoj dana 06.05.2016. godine, razmatrajući Informaciju o zimskom održavanju lokalnih puteva na području općine Tešanj za sezonu 2015/2016. godina, donijelo sljedeći

ZAKLJUČAK

Prima se na znanje Informacija o zimskom održavanju lokalnih puteva na području općine Tešanj za sezonu 2015/2016. godina.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-27-5-1006-2/16
Datum: 10.05.2016.godine

Na osnovu člana 21a. Zakona o zaštiti ličnih podataka ("Službeni glasnik BiH" broj 49/06, 76/11 i 89/11) i člana 30. Statuta Općine Tešanj ("Službeni glasnik Općine Tešanj" broj 11/07) Općinski načelnik donosi

ODLUKU
o obavljanju video nadzora prostorija
Općine Tešanj

Član 1.

Ovom odlukom regulišu se pravila obrade ličnih podataka putem video nadzora, način postavljanja i korištenja tehničkih pomagala za video nadzor u prostorijama, ulazima, neposrednoj blizini zgrade Općine Tešanj, matičnim uredima Jelah, Tešanjka i zgradi Civilne zaštite (u daljem tekstu prostorije Općine Tešanj).

Član 2.

(1) Za prostorije Općine Tešanj - obrađivači su ovlašteni koristiti tehničke uređaje za video nadzor, te primjenjivati i druga tehnička pomagala za snimanje i digitalnu obradu događaja u i oko prostorija Općine Tešanj. Tehnički uređaji za video nadzor se postavlja na vidljivom mjestu.

(2) Korisnici usluga Općine Tešanj, uposlenici Općine Tešanj, kao i sva lica koja dolaze u prostorije Općine Tešanj bit će obaviješteni o vršenju video nadzora. Obavještenje će biti postavljeno na ulazu (glavnim ulazima) u prostorije Općine Tešanj tako da je vidljivo svim osobama koje koriste prostorije Općine Tešanj po bilo kojem osnovu.

(3) Obavještenje je adekvatne veličine na kojemu se nalazi slika kamere i jasno vidljiv natpis "Općina Tešanj - PROSTOR POD VIDEO NADZOROM". Obavještenje sadrži i podatke o kontaktu putem kojeg se mogu dobiti pojedinosti o video nadzoru (web stranica Općine Tešanj).

Član 3.

Svrha video nadzora je zaštita imovine i ljudi, te poboljšanje organizacije rada i ispunjavanje zakonskih obaveza.

Član 4.

(1) Općina Tešanj će snimke nastale korištenjem aplikacije za video nadzorom pohranjivati na mreži (serveru Općine Tešanj), obrađivati i koristiti u

skladu sa Zakonom o zaštiti ličnih podataka, kao i propisima koji reguliraju zaštitu ličnih podataka.

(2) Nastale snimke mogu se kopirati ili drukčije elektronski obrađivati zbog efikasnosti organa uprave, kao i u slučajevima dokazivanja u određenim postupcima (npr. disciplinski, prekršajni, krivični i sl.) za utvrđivanje stvarnog stanja u žalbenim postupcima ili kod utvrđivanja moguće materijalne odgovornosti.

Član 5.

(1) Obrada ličnih podataka putem video nadzora vrši se u obliku video zapisa koji sadrži: sliku, datum i vrijeme.

(2) Video nadzor će se postaviti na adekvatna mjesta, a na osnovu organizacijskih i bezbjednosnih potreba, te tehničkih mogućnosti.

(3) Mjesta za postavljanje nadzora definisana su shemom kamera, a koje će se ažurirati u skladu sa potrebama i koja je sastavni dio ove Odluke.

Član 6.

(1) Kontrolu, način i vrstu korištenja podataka koji se prikupljaju video nadzorom vršit će uposlenici Općine Tešanj, a što će biti određeno posebnim rješenjem Općinskog načelnika.

(2) Video zapis se čuva minimalno 20 dana od dana nastanka nakon čega se briše, izuzev video zapisa koji nastaju u vezi matičnih knjiga koji se čuvaju minimalno 6 mjeseci.

(3) Pristup video zapisu može se dostaviti i na zahtjev MUP-a, suda, tužilaštva, Općinskog načelnika i službe, a podaci se daju na elektronskim medijima.

Član 7.

Ova Odluka stupa na snagu danom donošenja, a primjenivat će se od 1.2.2016. godine, te će se objaviti u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

**Broj: 02-02-1-171-2/16
Datum: 20.1.2016. godine**

Na osnovu člana 30. Statuta Općine Tešanj („Službeni glasnik Općine Tešanj“ broj 11/07) Općinski načelnik donosi

RJEŠENJE o imenovanju komisije

I

Imenuje se Komisija za ocjenu poslovnih ideja mladih u sljedećem sastavu:

1. Senad Brka, predsjedavajući
2. Selma Bradarić član i zamjenica predsjedavajućeg
3. Kasim Kotorić, član
4. Amir Šišić, član
5. Vahid Festa, član.

II

Zadatak Komisije je da izvrši vrednovanje 29 poslovnih planova koji su dostavljeni po Javnom pozivu broj 02-49-2-151/16 od 18.1.2016. godine, a prema jedinstvenim kriterijima, uzimajući u obzir kriterije iz javnog poziva i to: vrsta djelatnosti; ocjena poslovne ideje i poslovnog plana; visina i vrsta investicije, inovativnost (dajući prednost nezaposlenim podnosiocima planova kao i timskim prijedlozima ukoliko je utvrđen približan kvalitet podnesenih planova do 5%) i druge kriterije koje Komisija utvrdi i razradi.

III

Vrednovanje poslovnih planova pod šifrom i dostavljanje izvještaja Općinskom načelniku potrebno je do 18. april 2016. godine.

IV

Ovo Rješenje stupa na snagu danom donošenja i bit će objavljeno u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s.r.**

**Broj: 02-49-2-151/16
Datum: 27.3.2016. godine**

SADRŽAJ

I - AKTI OPĆINSKOG VIJEĆA

Strana

46.	Prijedlog Odluke o izmjenama i dopunama Regulacionog plana "Poslovna zona Glinište".....	51
47.	Prijedlog Odluke o pristupanju izmjenama i dopunama Regulacionog plana "Poslovna zona Glinište".....	55
48.	Prijedlog Odluke o poništenju Odluke o kreditnom zaduženju Općine Tešanj za realizaciju kapitalnih projekata...	56
49.	Zaključak - Izvještaj o izvršenju Budžeta Općine Tešanj za 2015. godinu.....	57
50.	Zaključak - Izvještaj o izvršenju Budžeta Općine Tešanj za I kvartal 2016. (Prijedlog Kluba vijećnika SDA).....	57
51.	Zaključak - Izvještaj o izvršenju Budžeta Općine Tešanj za I kvartal 2016.(Prijedlog Kluba vijećnika SDA).....	57
52.	Zaključak - Izvještaj o izvršenju Budžeta za I kvartal 2016(Prijedlog Kluba vijećnika SDA, kamate).	57
53.	Zaključak - Izvještaj o izvršenju Budžeta Općine Tešanj za I kvartal 2016.godine.....	57
54.	Zaključak - Informacija o organizovanju i funkcioniranju sistema zaštite i spašavanja i zaštite od požara na području općine Tešanj za 2015. godinu.....	58
55.	Zaključak - Informacija o organizovanju i funkcioniranju sistema zaštite i spašavanja i zaštite od požara na području općine Tešanj za 2015. godinu (prijedlog vijećnice Salkić Aide).....	58
56.	Zaključak - Nacrt Odluke o zaštitnim zonama i zaštitnim mjerama za izvorište „Tešanjski kiseljak“ općina Tešanj.....	58
57.	Zaključak - Informacija o radu i poslovanju udruženja građana na području općine Tešanj za 2015.godinu.....	58
58.	Zaključak - Informacija o zimskom održavanju lokalnih puteva na području općine Tešanj za sezonu 2015/2016. godina (prijedlog vijećnika Omerbašić Fahrudina).....	58
59.	Zaključak - Informacija o zimskom održavanju lokalnih puteva na području općine Tešanj za sezonu 2015/2016. godina (prijedlog vijećnika Piro Amira).....	59
60.	Zaključak - Informacija o zimskom održavanju lokalnih puteva na području općine Tešanj za sezonu 2015/2016. godina.....	59

II - AKTI OPĆINSKOG NAČELNIKA

16.	Odluka o obavljanju video nadzora prostorija Općine Tešanj.....	59
17.	Rješenje o imenovanju komisije o imenovanju Komisije za ocjenu poslovnih ideja mladih.....	60